

Ditto Acosta:

Bunita apertura “Cuna di Talento Eric Gomez”

SOLITO- dialuna atardi RCA Arena tawata completamente yena cu hungadonan infantil, mayornan, fanatico y invitadonan special. Pa 5:45 a ranca sali e partido amistoso entre e chikitinnan tricolor cu ta nos division Mini Mini cu mas di 35 mucha di 3, 4 y 5 aña. Pa 6:45 mc Elsa Krozendijk a yama bon bini na tur presente y e legendario cantante di Companashi Etty Toppenberg a canta himno di Aruba.

A continua cu speech di presidente Ditto Acosta y prome minister Sr. Mike



Eman. Pastoor Jairo Maduro a bendiciona e cancha y tur nos muchanan presente, prome cu a bay over na desvela e bunita banner cu e nomber di e cancha cual ta dedica na e baluarte incansabel tricolor Sr. Eric Gomez. Presente tawata miembro di honor Sr. Edwin Dirksz y Sr. John Merryweather y otro baluartenan Sr. Glennroy Tromp, Sr. Maiky Feliciano, Sr. Jossy Tromp, Sr. Joffrey Gomes, Sr. Cadochi Kock y presidente ASU Sr. Gerald Franca. Sr. Acosta a gradici su team di directiva y e cantidad grandi di boluntario tricolor cu a dedica enormemente na e proyecto aki, ya cu tur trabou a wordo haci pa RCA su miembronan specialmente nos coachnan, bou liderazgo di Eric Gomez. Tambe a gradici Gobierno di Aruba, Atco, Ecotech, Eljo, ASU, Sherwin Williams, Serge Mansur, Marco Tromp, Junior Flanegin, Henky Eckmeyer, Francis Erasmus y Alvin Croeze pa nan aportacion.

Recientemente e dak di clubhuis a keda gevef pa hungadonan di nos ekipo campeon division honor bou guia di otro baluarte incansabel Joy Rosa. Proximamente directiva lo bay continua cu e trabounan na e speeltuyn pa esaki tambe keda inaugura den



un corto plaso. Cu ayudo di nos mesun miembronan nos club stima ta sigui bay dilanti. RCA ta bon conoci pa su logronan riba cancha di futbol y hunto cu esaki nos directiva ta haciendo un esfuerso grandi pa mantene y drecha un edificio y facilidad cu ta construi mas di 55 aña pasa. Directiva kier gradici presencia di Sra. Madel Jacapucci di Guardian Group, Willeke Kok di Balashi, Wendell Benneth di TBC y tambe na tur otro sponsor cu ta carga nos division y na tur instancia y comerciante cu na tur momento ta para cla pa duna un man. □

